



D'Zyt stoht still




Das Sujet 2026 lautet: **D'Zyt stoht still**

Das Fasnachtskomitee Liestal (FKL) hat Anfang September 2025 den Plakettenentwurf von Denise Steiner, aus den 29 Teilnehmenden des Wettbewerbs ausgewählt.

Mit der Plakette welche die Uhr auf dem Liestaler Törlü und anstelle des heiligen Georgs einen Chienbäsenträger zeigt, gewinnt die Liestalerin Denise Steiner bereits zum vierten Mal den Plakettenwettbewerb.

Der auserkorene Plakettenentwurf wird mit CHF 500.- honoriert.





Das Sujet 2026 lautet: D'Zyt stoht still

D'Zyt im Stedtli die stoht still,
will die alti Mechanik vo dr Törluhr nümme will.
Es blibt denn au so, Stund um Stund
und eusi Törluhr duet d'Zyt nümm kund.

Übers Neujohr, bis zu dr Fasnachtszyt,
chömme si mit dr Reparatur nitt wyt.
Und me macht sich langsam Sorge,
es isch halt nitt eifach, so alti Ersatzteili z'bsorge.

Doch halt, stopp - isch es denn würklich so schlimm,
mol d'Zyt lo z'stoh, au wenn me nitt will?
Mir renne vo Termin zu Termin und rase durs Läbe,
sind immer hindedri, au wenn mir alles gäbe!
Und au wenn mir im Stress sind, so chönne mir's doch nit lo si,
TikTok, Whatsapp, Instagram, mir luege trotz allem «nur schnäll dri».

Do isch's doch au mol schön, wenn d'Zyt blibt stoh,
villicht erscht wenn me muess, cha me das wieder verstoh.
Me hett denn d'Glägeheit zum innehalte und sich nit lo ablänke
und villicht au d'Möglichkeit, zum öbbis Negativs ins Guetä umzdänke.
Wie euse Chienbäseträger uf dr Plagette, wo in d'Rolle vom Drachtetöter schlüpft
und anstatt dr Drache z'töte, sis FÜR zum Azünde vom Chienbäse nützt.

Haltet doch au mol inne, in dere Zyt, wo so schnell duet vergoh,
lueget um euch ume und düend alles für eimol hinter euch loh.
S'Läbe isch so schön und schins hei mir nur eins,
gniesse mirs doch, chömme zämme und nähme mol eins.

Es isch aber trotzdem toll, dass d'Mechanik jetzt wieder duet goh
und me sich uff d'Zeiger vo eusere Törluhr cha verloh.
So wüsse mir au an dr Fasnacht, wenn's Zyt isch, im Stedtli ane- oder izstoh
und au, wenn me villicht langsam wieder mol setti dra dänke heime z'go.

In däm Sinn, gniesse mir d'Lieschtler Fasnacht, liebi Fasnächtler und Gescht,
chömme zämme, sind gsellig und beläbe euses traditionelle Fescht.

